

verabili fratri **ULGERIO** Andegavensi episcopo, ejusque successoribus canonice substituendis in perpetuum.

In eminenti apostolicæ sedis specula disponente Domino constituti, ex injuncto nobis a Deo apostolatus officio religiosos viros debemus diligere et eorum loca sanctæ Romanæ Ecclesiæ munimine defensare. Æquum etenim ac rationabile est ut quos erga beatum Petrum et nos ipsos in opportunitatibus fideles et devotos esse cognoscimus, eos et a pravorum hominum nequitia tueamur et in suis petitionibus clementer exaudire curemus. Proinde, venerabilis frater Ulgeri episcope, vir siquidem prudens ac religionis amator, tuis justis postulationibus assensum præbentes, Andegavensem Ecclesiam, cui Deo auctore præesse dignosceris, præsentis scripti patrocinio communimus, statuantes ut quæcunque possessiones, quæcunque bona in præsentiarum ad eandem Ecclesiam juste et canonice pertinere noscuntur, aut in futurum largitione regum, liberalitate principum, oblatione fidelium, seu aliis justis modis auxiliante Domino poterit adipisci, firma tibi tuisque successoribus et illibata permaneant, in quibus hæc propriis nominibus adnotanda subjungimus: ecclesiam videlicet Beati Joannis Baptistæ, quæ in Andegavis civitatis suburbio sita est, quam nimirum illustris vir Gaufridus comes junior tibi reddidit, ut videlicet tam tu quam successores tui jus plenissimum domini et abbatis statuendi in ea canonicos, et tam in præbendis quam in aliis omnibus rebus ad ipsam pertinentibus disponendi facultatem liberam habeatis. Prohibemus autem ne quis præbendam aut decanatum ipsius Ecclesiæ usque dum persona de medio sublata fuerit, donet alicui vel promittat. Detestabiles vero illas et homicidii reas exspectationes et successiones damnamus, nec quælibet persona tale donum vel promissum suscipere vel capitulum concedere audeat. Hoc quoque penitus admonemus ne quisquam laicus jus aliquod in eadem Ecclesia vel in aliqua ipsius Ecclesiæ præbenda præsumat expetere vel aliquid reddituum ejus expetere. Porro ecclesias et villas Chureii et Solonæ cum omnibus suis appendiciis, quemodmodum a nobili viro Roberto de Busenciaco tibi et Ecclesiæ tuæ sunt traditæ ac concessæ, apostolica auctoritate firmamus. Nulli ergo omnino hominum liceat prædictam Ecclesiam temere perturbare, aut ejus possessiones auferre, vel ablatas retinere, minuere, aut aliquibus molestiis fatigare, sed omnia integra conserventur eorum, pro quorum gubernatione ac sustentatione concessa sunt, usibus profutura. Si qua igitur in futurum ecclesiastica secularisve persona, hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque dignitate careat, reamque se divino judicio existere de perpetrata iniquitate cognoscat, et a sacratissimo corpore et sanguine Dei ac Domini Redemptoris Jesu

Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus fructum bonæ actionis percipiant, et apud districtum Judicem præmia æternæ pacis inveniant.

Ego Innocentius Catholicæ Ecclesiæ episcopus ss.

Datum Remis per manum Haymirici sanctæ Romanæ Ecclesiæ diaconi cardinalis et cancellarii, iv Kal. Novembris, indictione x, Incarnationis Dominicæ anno 1131, pontificatus vero domini Innocentii papæ secundi anno secundo.

LX.

*Monasterii Mullersdorfensis protectionem suscipit.*

(Anno 1131, Oct. 29.)

[LANG, *Regesta*, I, 134.]

LXI.

*Clero et populo Hildesheimensi significat Godehardum quondam episcopum in synodo Remensi sanctorum ordinibus ascriptum esse.*

(Anno 1131, Oct. 29.)

[MANSI, *Concil.*, XXI, 463.]

INNOCENTIUS episcopus, servus servorum Dei, dilectis filiis clero et populo Hildenesheimensi, salutem et apostolicam benedictionem.

Veniens ad nos venerabilis frater noster Bernardus episcopus vester in plenaria synodo, quæ Remis per Dei gratiam fuerat congregata, attestatione fratrum nostrorum episcoporum, et abbatum, et aliorum qui secum venerant, S. memoriæ Godehardum episcopum vestrum laudabiliter vixisse in mundo, et tam in vita quam post mortem multis miraculis coruscasse asseruit. Unde nos cum fratribus nostris omnipotenti Deo gratias referentes, habito eorum consilio, et collaudatione, quia eundem in cælis cum sanctis credimus coronari, ipsum inter sanctos honorari præcipimus, mandantes vobis ut et eidem beato viro solemniter in vestra Ecclesia statuatis, et ad eam annualiter convenire curetis.

Data Remis iv Kal, Novemb.

LXII.

*Petro Venerabili Cluniacensi abbati locum qui dicitur Prius asserit.*

(Anno 1131, Oct. 31.)

[MANSI, *Concil.*, XXI, 416.]

INNOCENTIUS episcopus, servus servorum Dei, dilectis in Christo filiis, PETRO abbati et monachis Cluniacensibus in perpetuum.

Ex apostolicæ sedis administratione, quæ extraordinaria sunt, volumus corrigere; et quæ ordinata, ad meliorem statum deducere; et ut in suæ bonitatis firmitate permaneant, vigore ecclesiastico roborare. Eapropter, dilecte in Domino fili, donationem a Girino et fratribus, de loco qui dicitur Prius, cum suis pertinentiis, Remis in palatio venerabilis fratris nostri Rainaldi archiepiscopi nobis factam, vobis concedimus, donamus, et tradimus, ac per præsentia

scripti paginam confirmamus. Nulli ergo omnino hominum fas sit præfatum locum temere perturbare, aut ejus possessiones auferre, vel ablatas retinere, minuere, vel aliquibus vexationibus fatigare: sed omnia dominio et possessioni Cluniac. monasterii perpetuo integra conserventur. Si quis autem huic nostræ constitutioni temerario ausu contraire tentaverit, etc.

Datum Remis II Kal. Novembris.

## LXIII.

*Ad Sugerium S. Dionysii abbatem.*

(Anno 1131, Nov. 2.)

[DOUBLET, *Hist. de Saint-Denys*, p. 487.]

INNOCENTIUS episcopus, servus servorum Dei, dilecto filio SUGERIO [al. SUGGERIO], abbati Sancti Dionysii, ejusque successoribus regulariter substituendis in perpetuum.

Ne illa quæ rationabiliter constituta, vel ordine judiciario decisa, vel per concordiam terminata sunt, recolendi desuetudine obumbrent, sollicita providentia persuadet charta et atramento firmare. Nolumus enim lites et controversias in infinitum extendi, sed paci et tranquillitati Ecclesiarum diligentiam adhibere. Controversia siquidem filii nostri Lanzonis abbatis et monasterii Sancti Michaelis super fluvium Mosæ in territorio Viridunensi, adversum te et monasterium Sancti Dionysii, cui auctore Deo præsidet, diutius agitata, per venerabiles fratres nostros Matthæum Albanensem episcopum, Rainaldum Remensem archiepiscopum, Goslenum episcopum Suessionensem et Alberonem Trevirensensem electum, et dilectos filios, Tytoinum, Gorgiensem abbatem, magistrum Ottonem Metensem, et Simonem præpositum Ambianensem, hoc modo terminata est, a nobis præsentis scripti pagina confirmata. Ut videlicet Larizo abbas et successores sui, ac monasterium Sancti Michaelis, de villa Salona singulis annis quinque marcas boni aurei mediana quadragesima Dominica, scilicet qua cantatur *Lætare, Jerusalem*, Remis in monasterio Sancti Remigii certo nuntio tuo, vel successorum tuorum, aut monasterii S. Dionysii, vel abbati, aut priori Sancti Remigii ad opus vestrum persolvant. Et quidquid fiat, quidquid eveniat de Salona villa, præfatum beati Michaelis monasterium, vel abbas ejusdem loci, nuntio monasterii sancti Dionysii, aut vestro nominatam quantitatem argenti statuto termino semper exsolvant. Ac per hoc, dilecte in Domino fili SUGGERI abbas, et monasterium tibi commissum quidquid adversus monasterium et abbatem Sancti Michaelis calumniarum dimisisti, et penitus refutasti. Conductum est etiam ut et tu et monasterium Sancti Dionysii, et abbas Sancti Michaelis, cum monasterio tuo, tam concessione capituli vestri, quam impressione sigilli hoc pactum ad invicem firmaretis. Cæterum Lanzo abbas concessionem episcopi Viridunensis sigilli sui auctoritate firmatam debet quærere, et tibi conferre. Si quis autem huic nostri confirmationi sciens, temerario ausu contraire ten-

taverit, a sacratissimo corpore ac sanguine Dei et Domini Redemptoris Jesu Christi alienus fiat, atque in extremo examine districtæ ultioni subiaceat, nisi præsumptionem suam digna satisfactione correxerit. Conservantes autem beatorum apostolorum Petri et Pauli, ac nostram benedictionem et gratiam consequantur. Amen.

Datum Remis IV Nonas Novembris.

## LXIV.

*Ad Stephanum Cisterciensem abbatem.*

(Anno 1131, Nov. 4.)

[D. BOUQUET, t. XIV, p. 247.]

INNOCENTIUS episcopus, servus servorum Dei, dilecto in Christo filio STEPHANO Cisterciensi abbati, salutem et apostolicam benedictionem.

Quoniam turbatus et inquietus animus non potest Deo dignum famulatum impendere, nostrum est paci et tranquillitati Ecclesiarum et servorum Dei, auxiliante Domino, propensius providere. Controversiam siquidem inter filios nostros Herbertum S. Stephani Divionensis, et Herbertum S. Sequani abbatem accepimus agitari. Quia igitur te sapientem, discretum et religiosum virum esse cognovimus, dilectioni tue mandamus quatenus, statuto utrique parti termino, causam audias canonicèque definias, et auditis utriusque partis rationibus, quod inter vos discretio tua statuerit, inviolabiliter servetur.

Datum Remis II Nonas Novembris.

## LXV.

*Bulla pro canobio S. Satyri.*

(Anno 1131, Nov. 5.)

[*Gall. Christ.*, nov., *Instr.*, t. II, *Instr.* p. 52.]

INNOCENTIUS episcopus, servus servorum Dei, dilectis filiis PETRO abbati et fratribus in ecclesia Beati Satyri divino famulatu mancipatis tam præsentibus quam futuris in P. P. M.

In apostolicæ sedis specula, disponente Domino, constituti, ex injuncto nobis a Deo apostolatus officio religiosos viros debemus diligere et ad religionem propagandam libenter operam dare. Quocirca, dilecti in Domino filii, quieti et utilitati ecclesiæ Beati Satyri in qua divino vacatis servitio salubriter providentes, eam sanctæ Romanæ Ecclesiæ suffragio munendam duximus. In primis si quidem statuentes ut ordo canonicus secundum beati Augustini Regulam ibidem perpetuis temporibus irrefragabiliter conservetur. Sane decedentibus canonicis sæcularibus qui ibi sunt, præbendis eorum in usum regularium fratrum redactis, nullus nisi canonicam vitam professus eis substituitur. Quascunque præterea possessiones aut bona in præsentiarum juste et canonicè possidere videmini, aut in futurum concessione pontificum, largitione regum vel principum, oblatione fidelium, seu aliis justis modis, præstante Domino, poteritis adipisci, firma vobis in perpetuum et illibata permaneant. Decernimus ergo ut nulli omnino hominum liceat præfatum ecclesiam temere perturbare, aut ejus possessiones auferre, vel ablatas retinere, minuere, aut aliquibus vexationibus